

醫

畧

上



醫畧十三篇序

醫畧十三篇乃京口蔣君寶素手著京口
於吾吳為同里是亦延陵一大郡會也予
自歷官臺省垂四十年於里閭奇材異能
之士鮮所知者向聞王九峰蔣椿田工岐
黃術名噪一時寶素則椿田之哲嗣而九
峰之高足弟子也近亦有聲大江南北生
平好讀三墳銳志於扁盧之學其造詣之



淺深高下雖知之未悉然能述父師之訓
折衷於三折肱諸家之說本經義以
而著為是編則其用力於靈樞玉板之書
概可見矣昔范文正有言不為良相當為
良醫寶素則謂為醫等於為相以為方家
之刀圭量劑可通於宰輔之鼎鼐和調會
予方忝任保衡乃因其同邑及門李雨人
殿撰請序於予將以徵信於時書不云乎



若藥弗瞑眩厥疾弗瘳史有之良藥苦口
利於病忠言逆耳利於行然則寶素所為
比例於良相良醫之論理或然與雖然予
滋愧矣爰書以質之寶素并諸簡端吳縣
潘世恩撰

醫略

序意

天覆地載萬物悉備莫貴於人人所生者神也所託者
也疾病所傷者形與神也形與神俱則生形與神離則死
死者不可復生離者不可復反故聖人重之神農著本艸
黃帝著內經上揆之天下驗之地中審之人世異時移因
機動變使各得其所不致夭殃然非明哲孰能究其文通
其意以應萬病幾千年來得其要領者越人設問難仲景
述傷寒而已甚矣哉天下疾病若彼其蕃變也明哲如此
其難得也以天下疾病之蕃變而求不世出之明哲此慎



疾者之所共憂也即使明哲生於當時無能親身戶治天下之病即使身親其役又烏能使天下之人盡知明哲之為明哲也嗟乎古今之遠歲月之長海宇之廣疾病之多俗情之謬藥石無知生死難明藏府不能言扁鵲仲景不可復生也素甚懼焉廼因家君醫話業師醫按著醫畧八十一卷先刻六淫門十三卷以問世幸天下明哲惠而教我時

道光二十年庚子冬至日鎮江蔣寶素自序於快志堂

醫略先刻十三篇目錄

卷一真中風

風乃六淫之首人為倮虫之長風獨中人木尅土也風善行而數變其在嬰兒小子變為驚風而虧脫之證多有類之者作真中風第一

卷二類中風

病有相類真偽難分不別其類何以反真惟陰虧火盛陽虛暴脫諸證與中風切類而虛實相反表裡懸殊作類中風第二

卷三傷寒



寒為殺厲之氣仲景論之詳矣然伏邪溫疫乃冬寒所致欲知溫熱之原當究傷寒之義作傷寒第三

卷四暑證

暑乃夏令君火炎蒸濕鬱之熱證言陰暑者非是伏而為瘧瘡與傷寒伏而為溫熱之義同作暑證第四

卷五濕證

濕歸於土水流濕之濕乃水病之濕非土濕之病土濕歸於六淫門作濕證第五

卷六燥證

燥歸於金火就燥之燥乃火證之燥非金燥之證金燥歸



於六淫門作燥證第六

卷七火證

君相二火分明則百病之火無所逃其情實作火證第七

卷八伏邪

疫厲之作家傳戶染老少強弱病狀相似甚至闔門而殪覆族而喪皆由冬令嚴寒內伏而後發故也作伏邪第八

卷九瘧瘧

瘧因暑伏於中而後發與溫熱因寒伏於中而後發一體所伏之寒暑雖殊橫連膜原則一故瘧與伏邪相近且有互轉之證作瘧瘧第九



卷十痢疾

暑濕薰蒸腸胃鬱壅化為膿血潰流而下君大致病同於外感作痢疾第十

卷十一霍亂

六淫之濕鬱於中土水穀變化失常非飲食內傷所致作霍亂第十一

卷十二沙蜮

沙虫之毒從雲霧上騰如瘴氣之類同於六淫作沙蜮第十二

卷十三瘴氣



瘴厲之氣中土本無然日月所照霜露所墜皆吾同類未
可以殊方之疾而不論治也作瘴氣第十三

附刻

關格考

人迎辨



醫畧卷第一

鎮江蔣寶素

真中風第一

椿田醫話曰第一真黃風湯主治真中風初感一切形證可代大小續命等湯見五絕者不治口開心絕手撒脾絕眼合肝絕遺尿腎絕聲如鼾呼肺絕

嫩黃芪 三錢

防風根 八分

雲茯苓 三錢

炙甘草 五分

製半夏 錢半

福橘皮 一錢

當歸身 三錢

赤芍藥 錢半

稀莨 三錢

長流水煎入竹瀝三錢薑汁五分和服一二劑或三五劑



至十劑後六經形證悉退裡証未清者接服第二方

第二真黃風湯主治真中風初感服第一真黃風湯後六

經表證已解裡証未除或二便阻隔或變色或神志不

或語言蹇澁或口目喎斜或半身不遂舌苔或白滑或黃

厚或積黑胸次或舒或不舒飲食或進或不進皆主之

炙黃芪 三錢

防風根 五分

雲茯苓 三錢

製半夏 錢半

炙甘艸 五分

福橘皮 一錢

當歸身 三錢

人參 錢半

桂水炒白芍 錢半

稀荻 三錢

麩炒枳實 五分

長流水煎服一二劑或三五劑及至十劑後裡証向安或



語言微蹇或面戴陽色或消穀善飢或飲食少進或清痰未清或肢體無力或無故多思或怔忡驚悸不寐等証接服第三方調理

第三真黃風湯主治真中風服前二方表裡俱和諸證悉退或二氣未充或餘氛未盡宜此方調理真善後之良法也

炙黃芪 三錢

防風根 三分

人參 錢半

大熟地 四錢

雲茯苓 三錢

炙甘艸 五分

製半夏 錢半

福橘皮 一錢

麩炒枳實 五分

稀薤 三錢



長流水煎服一二劑或三五劑至十劑後或更以十劑為末水疊丸每早晚開水服三錢

易曰撓萬物者莫疾乎風

莊子內篇曰夫大塊噫氣其名為風

呂氏春秋有始覽曰何謂八風東北曰炎風艮氣所生一曰融風東

方曰滔風震氣所生一曰明庶風東南曰熏風巽氣所生一曰清明風南方曰

巨風離氣所生一曰凱風西南曰淒風坤氣所生一曰涼風西方曰颶風兌氣所生

一曰闔風西北曰厲風乾氣所生一曰不周風北方曰寒風坎氣所生一曰廣莫

風

史記律書曰不周風居西北主殺生又曰廣莫風居北方



廣莫者言陽氣在下陰莫陽廣大也又曰條風居東北主
出萬物條之言條治萬物而出之又曰明庶風居東方明
庶者明衆物盡出也又曰清明風居東南維主風吹萬物
又曰景風居南方景者言陽氣道竟又曰涼風居西南主
地地者沈奪萬物氣也又曰閭闔風居西方閭者倡也闔
者藏也言陽氣導萬物闔黃泉也

又扁鵲倉公列傳曰臣意常診安陽武都里成開方開方
自言以為不病臣意謂之病苦沓風三歲四支不能自用
使人瘖瘖即死今聞其四支不能用瘖而未死也病得之
數飲酒以見大風氣所以知成開方病者診之其脉法奇

咳言曰藏氣相反者死切之得腎反肺法曰三歲死也

說文曰痲風病也

痲病因外感為真中因內傷為類中

左傳昭元曰晉侯求醫於秦伯秦伯使醫和視之又曰風

淫末疾

東觀漢記曰明帝行幸諸國勅執金吾馮魴將緹騎宿元

武門複道上詔曰複道多風寒左右老人且病痲多取帷

帳東西完塞窓牖皆令緻密

後魏書曰臨淮王潭孫孚好酒後遇風患手足俱痺口不

能言乃左手畫地作字乞解所任

開河記曰隋大總管麻叔謀病風逆起坐不得煬帝命大

